



阿子汝聞不

廉歌

升平末俗間忽作廉歌有扈謙者聞之曰廉者臨也歌云云內外悉臨國家其大諱乎少時而穆帝晏駕

白門廉宮庭廉

吳中謠

穆帝時庾義為吳興內史王洽為吳郡內史徵拜領軍吳中童謠無幾而庾義王洽相繼卒於官或云義當作義

寧食下湖苻不食湖上尊庾吳沒命喪復殺王領軍

升平謠

二首哀帝隆和初童謠云云朝廷聞而惡之改年曰興寧民復歌云云哀帝尋崩升平五年而穆帝崩不滿斗不至十年也

升平不滿斗隆和那得久桓公入石頭陛下徒跣走



雖復改興寧亦復一作無聊生

御路楊歌 海西公太和中民為此歌海西公尋廢三子非其子縊以馬韁歿之明日而南方獻甘露

青青御路楊白馬紫游韁汝非皇太子那得甘露漿

犁牛謠 太和末童謠及海西公被廢百姓耕其門以種小麥

犁牛耕御路白門種小麥

識 初簡文帝見識文云云及孝武在孕李太后夢一神人謂曰汝生男以昌明為字及產東方始明因以名之簡文後悟乃為流涕孝武崩後晉祚遂傾矣

晉祚盡昌明

黃雌雞謠 孝武帝太元末京口謠尋王恭起兵誅王國寶為劉牢之所敗故言拉颯棲也

黃雌雞莫作雄父啼一旦去毛衣衣被拉颯棲

京口謠 王恭鎮京口時百姓為此謠恭尋死京都人行疾而喉並喝焉

昔年食白飯今年食麥麩天公誅適汝教汝捻嚨喉嚨

喉喝復喝京口敗復敗

黃頭謠 王恭在京口民間忽有此謠黃頭恭字上也小字恭字下也尋如謠言

黃頭小人一作兒欲作賊阿公在城下指縛得

黃頭小人欲作亂賴得金刀作蕃扞

荊州謠 殷仲堪在荊州時童謠未幾而仲堪敗桓玄遂有荊州

芒籠目繩縛腹殷當敗桓當復

黃曇謠 桓石民為荊州鎮上明百姓忽歌曰黃曇子曲終又云云頃之而桓石民歿王忱為

荆州黃曇子乃是王忱字也忱小字佛大是大佛來上明也

### 黃曇英揚州大佛來上明

#### 卯金歌

王嘉字子年隴西安陽人也清虛服氣不與世人交遊隱東陽谷鑿崖穴居石虎之末遷於終南山苻堅累徵不至姚萇入長安與苻登相持問嘉曰吾得殺苻登定天下不嘉曰略得之萇怒曰得當云得何略之有遂斬之及萇死萇子興字子略果殺苻登嘉死之日人有壟上見之其所造歌讖云云至安帝而劉氏遂代晉矣

### 帝諱昌明運當極特申一期延其息諸馬渡江百年中

#### 當值卯金折其鋒

#### 懊懷歌

安帝隆安中百姓忽作懊懷之歌其曲云云尋而桓玄篡位義旗以三月二日掃定京都誅之玄之宮女及逆黨之家子女伎妾悉為軍賞東及歐越北流淮泗皆人有所獲故言

時則草可結言事則女可擷也

### 草生可攬結女兒可攬擷

#### 桓玄二謠

安帝元興二年十二月桓玄篡位時有童謠云云及玄敗走至江陵五月中誅如其期焉征鍾至穢之服也

### 草生及馬腹烏啄桓玄目

### 征鐘落地桓迸走

#### 竺曇林詩

司馬元顯時襄陽道人竺曇林為此詩或云民謠十一口者玄字象也木亘桓也桓氏當悉走入關洛故云浩浩鄉也倡義諸公多姓劉故云金刀媿媿也

### 當有十一口當為兵所傷木亘當北度走入浩浩鄉

### 金刀既以刻媿媿金城中

長干謠

安帝元興中桓玄既得志而有童謠及玄敗走諸桓悉誅焉郎君司馬元顯也

長干巷巷長干今年殺郎君明

一作後年斬諸桓

籠歌

桓玄篡位後朱雀門中忽見兩小兒通身如墨相和作籠歌云云路邊小兒從而和之者數十人聲甚哀楚日既夕二小兒入建康縣至閭下遂成雙漆鼓槌明年春而桓敗車無軸倚孤木桓字也荆州送玄首用敗籠茵包之又芒繩束縛其屍沈諸江中悉如所歌焉

芒籠茵繩縛腹車無軸倚孤木

蘆生謠

安帝義熙初童謠云云先是元興二年盧循寇廣州逐刺史吳隱自攝州事號平南將軍帝乃假循征虜將軍廣州刺史循擁上流數州之地內逼京輦尋為劉裕所敗走交州刺史杜慧度殺之

官家養蘆化為荻蘆生不止自成積

蘆生漫漫竟天半

蘆橙橙逐水流東風忽如起那得入石頭

瓦屋謠

義熙初有謠言云云

十丈瓦屋八九間蘆作柱薤作闌

歷陽歌

庾楷鎮歷陽百姓歌云云後楷南奔桓玄為玄所殺

重羅黎重羅黎使君南上無還時

識

劉裕將謀禪代密使王韶之縊殺安帝而立恭帝以應識焉

昌明之後有二帝

賈裴王謠

泰始中人為賈充裴秀王沈謠言亡魏而成晉也

賈裴王亂紀綱裴王賈濟天下

王馬語

元帝以王敦為揚州刺史加廣武將軍尋進左將軍都督征討諸軍事假節帝初鎮江東威名未著敦與從弟導同心翼戴以隆中興時人為之語曰

王與馬共天下

鳳凰歌

海西公生皇子百姓歌之云云海西公不男使左右向龍與內侍接生子以為已子或云桓溫將廢海西使為此歌

鳳凰生一雛天下莫不喜本言是馬駒今定成龍子

雲中詩

孝武帝時琅琊王道子秉政中書令王國寶及錢塘捕賊吏茹千秋等皆以賂諂為道子寵昵酣歌恣肆政刑謬亂有為雲中詩以指斥朝廷荆州謂王忱法護王珣小字甯即王恭仲堪即殷仲堪仙民徐邈字安道戴逵字也

相王沉醉輕出教命捕賊千秋干豫朝政王愷守常國

寶馳競荆州大度散誕難名盛德之流法護王甯仲堪

仙民特有言咏東山安道執操高抗何不徵之以為朝

匠

劉功曹語

劉毅字仲雄僑居平陽太守杜恕逼迫舉毅為功曹月餘日沙汰郡吏百餘人

三魏稱焉為之語曰

但聞劉功曹不聞杜府君

洛中諺

侍中劉粹字純嘏光祿勳宏字終嘏吏部尚書莫字冲嘏宏真長祖也馮蕙卿名蓀是播子蓀與邢喬俱司徒李胤外孫胤子順時稱馮才清李才明純粹邢荀闓字道明並有名洛中京都為之語曰

洛中雅雅有三嘏洛中錚錚馮惠卿洛中英英荀道明

石仲容語

石苞字仲容渤海南皮人也雅曠有知局容儀偉麗不修小節故時人語曰

石仲容姣無雙

裴秀語

秀字季彥河東聞喜人父潛魏太常秀有風操八歲能著文叔父徽有聲名秀年十餘歲有賓客詣徽出則過秀時人爲之語曰

後進領袖有裴秀

劉頌語

頌字子雅廣陵人漢廣陵厲王胥之後也世爲名族同郡有雷蔣穀魯四姓皆出其下時人爲之語曰

雷蔣穀魯劉最爲祖

安漢語

何隨字季業蜀郡郫人也爲安漢令時巴土飢荒所在無穀送吏行乏輒取道側民芋隨以縣繫其處使足所取直民視芋見縣在日聞何安漢清廉行過從者無糧必能爾耳持

縣追還之終不受因爲語云云

安漢吏取糧令爲之償

江陽語

隨舉孝廉不就卽家拜本郡太守邦人言議平當者稱何江陽因爲語曰

江陽皎皎何使君

王公語

晉受禪時廟廊之士莫不歡容而王祚色不加怡人爲之語曰

王公恨恨有送故之情也

南土謠

杜預都督荊州舊水道惟沔漢達江陵千數百里無通路又巴丘湖沅湘之會表裏山川實爲險固荆蠻之所恃也預乃開揚口赴夏口水道洪洞達巴陵千餘里內瀉長江之險外通零桂之漕南土美而謠曰

後世無叛由杜翁孰識智名與勇功

軍中謠

杜預遣周旨伍巢等伏兵樂鄉城外孫歆遣軍出拒旨等發伏兵隨歆軍而入直至帳下虜歆而還故軍中為之謠曰

以計代戰一當萬

醇酒歌

張華為九醞酒以三薇漬麴蘖出西羌麴出北胡胡中有指星麥四月火星出麥熟獲之蘖用水漬麥三夕而萌芽雞鳴而用之俗呼為雞鳴麥釀酒醇美久舍令人齒動若大醉不叫笑搖蕩令人肝腸銷爛俗謂之消腸酒或云醇酒可為長宵之樂閭里歌曰

寧得醇酒消腸不與日月爭光

閣道謠

潘岳才名冠世為眾所疾泰始十年出為河陽令而鬱鬱不得志時尚書僕射山濤領吏部王濟裴楷等並為帝所親遇岳內非之乃題閣道為謠或云濤以器重朝望年踰七十猶知管時任貴勝年少若和裴王之徒並共宗詠有署閣柱曰閣東有大牛和嶠鞅裴楷鞅王

濟別號不得休或又云潘尼作之

閣道東有大牛王濟鞅裴楷鞅和嶠刺促不得休

蜀民謠

許遜晉武帝太康初為蜀郡旌陽縣令屬歲大疫死者十七八遜以所授神方拯治之符咒所及登時而愈蜀民為之謠曰

人無盜竊吏無姦欺我君活人病無能為

東皙歌

東皙陽平元城人太康中郡亦大旱皙為邑人請雨三日而雨注眾為作歌曰

東先生通神明請天三日甘雨零我黍以育一作我稷

以生何以疇之報東長生

江統語

統字應元陳留圉人也靜默有遠志時人為之語曰

嶷然稀言江應元

歐陽建語 建字堅石世為冀方碩族雅有理思才藻美贍擅名北州人為之語曰

渤海赫赫歐陽堅石

二劉語 劉輿字慶孫雋朗有才局與弟琨並尚書郭奕之甥名著當時京都為之語曰

洛中奕奕慶孫越石

汜毓號 汜毓字稚春奕世儒素敦睦九族時人號其家云

兒無常父衣無常主

崔左丞語 崔洪字伯良博陵安平人以清厲顯名武帝世為御史治書朝廷憚之尋為尚書左丞時人為之語曰

叢生棘刺來自博陵在南為鷓在北為鷹

蜀人謠 羅尚字敬之一名仲太康末為荊州刺史及趙歆反於蜀乃假尚節為平西將軍益

州刺史尚性貪少斷蜀人謠曰

尚之所愛非邪則佞尚之所憎非忠則正富擬魯衛家

成市里貪如豺狼無復極已

蜀賊 一作李特 尚可羅尚殺我平西將軍反更為禍

二王語 王衍嘗詣祜陳事辭甚俊辨祜不然之行拂衣而起祜顧謂賓客曰王夷甫方以盛

名處大位然敗俗傷化必此人也步聞之役祜以軍法將斬王戎故戎衍並憾之每言論多毀祜時人為之語曰

二王當國羊公無德

應詹歌 王澄惠帝末為荊州牧假應詹督南平天門武陵三郡軍事天下大亂詹境獨全百

姓歌之

亂離既普殆為灰朽僥倖之運賴茲應后歲寒不彫孤境獨守拯我塗炭惠隆丘阜潤同江海恩猶父母

衛玠語

瑯琊王澄字平子有高名少所推服每聞衛玠言輒歎息絕倒故時人為之語曰

衛玠談道平子絕

一作倒

王氏語

衛玠字叔寶河東安邑人也風神秀異總都及長好言玄理多病體羸母常禁其語遇有勝日親友造請一言無不咨嗟以為入微時王澄王玄王濟皆有盛名然出玠下時人為之語

王氏三子不如衛家一兒

麴游語

麴允金城人也與游氏世為豪族西州為之語曰

麴與游牛羊不數頭南開朱門北望青樓

續貂諺

趙王倫僭位諸黨並列大封至奴卒馬役亦加爵位每朝會貂蟬盈坐時人諺曰

貂不足狗尾續

題門語

成都王穎舉兵誅趙王倫即還鄴所留義募將士既久咸怨曠思歸乃題鄴城門云

大事解散蠶欲遽請且歸赴時務昔以義來今以義去

若復有急更相語

四部司馬語

成都王穎伐長沙王又募免奴為軍自稱四部司馬市郭人素謬語奴為

三部司馬階下兵四部司馬尚長明欲知太平須石鼈

鳴

巴蜀語

永嘉四年天水文石殺李雄太宰李國以巴西西降初譙登義募蜀漢民破宕渠駐涪

折衝將軍張羅據犍為之合水故巴蜀為之語

譙登治涪城文石在巴西張羅守合水巴氏那得前

王彭祖謠 王浚永嘉中進大司馬都督督幽冀諸軍事大樹威令專權橫恣時童謠曰

幽州城門似藏戶中有伏尸王彭祖有狐踞府門翟雉

入聽事

北州謠 朱碩字丘伯棗嵩浚之子壻並貪橫故建興中北州謠云云浚聞之而不以罪也

府中赫赫朱丘伯十囊五囊入棗郎

幼輿謠 謝鯉字幼輿與王澄之徒慕竹林諸人散首披髮裸袒箕踞世謂之入達鄰家高氏

女有美色堪嘗挑之女投梭折其兩齒時人為之謠云云現聞之傲然長嘯曰猶不廢我嘯歌

任達不已幼輿折齒

百琲語 石崇屑沉水香為末布象牀上使所愛美人踐之無跡者賜以真珠百琲有跡者節其飲食令身輕弱故閨中相戲曰

爾非細骨輕軀那得百琲真珠

襄陽兒童歌 山簡字季倫為征南將軍鎮襄陽荆土豪族習氏有佳園池簡每出嬉遊

多之池上置酒輒醉名曰高陽池時有童兒歌云云葛彊家在并州簡愛將也

山公出何許往至高陽池日夕倒載歸酩酊無所知時

時能騎馬倒著白接離舉鞭向葛彊何如并州兒

并州歌 汲桑清河具丘人殘心少恩為并州大姓田蘭斬於平原士女相賀而歌

士為將軍何可羞六月重裊披狐一作裘不識寒暑斷

人頭雄兒田蘭為報讐中夜斬首謝并州

青州號荀晞字道將為青州刺史以嚴刻立功人號屠伯及弟純代領刑殺更甚百姓歌曰

小苟酷於大苟

三明歌諸葛恢字道明與穎川荀道明闔陳留蔡道明謨俱有名譽號中興三明時人歌曰

京都一作師三明各有名蔡氏儒雅荀葛清

豫州歌祖逖為豫州刺史躬自儉約督課農桑克已務施不畜資產又收葬枯骨為之祭醮

百姓感悅嘗置酒大會耆老中坐流涕曰吾等老矣更得父母死將何恨乃歌云云

幸哉遺黎一作民免俘虜一作豺虎三辰既朗遇慈父玄酒忘

勞一作清醪甘瓠脯何以詠思一作亦歌且舞

鄧侯歌鄧攸為吳郡太守以疾去百姓數千人留牽船不得進攸乃夜中發去吳人歌曰

統如打五鼓鷄鳴天欲曙鄧侯挽不留謝令推不去

伯道語永嘉末鄧攸逃難携子及弟子緩度不能兩全乃棄子去卒無嗣時人哀之為語云

天道無知使鄧伯道無兒

陶明府歌陶汪咸康中為宣城內史招隱逸廣學舍止民知嚮方者辟為掾史百姓歌之

人當勤學得主簿誰復為之陶明府

謝王邠語謝安字安石王坦之字文度邠超字嘉賓俱有重名時人為之語曰

大才槃槃謝家安江東一作揚州獨步王文度盛德日新一作

後來出人又邠嘉賓作盛德絕倫

二庾語文康庾亮字稚恭庾翼字也文康一作長仁

庾文康豐年玉庾稚恭荒年穀

四儁語會稽孔沉魏顛虞存字長琳謝奉字弘道並為四族之儁故與公為之語曰

沉為孔家金顛為魏家玉虞為長琳宗謝為弘道伏

王僧珍語

王珉字季琰少有才藝善行書與兄珣並有名聲出珣右故時人為之語云

法護非不佳僧珍難為兄

法護珣小字僧珍珉小字也

郝王歌

記室參軍郝超主簿王珣並以俊才為桓大司馬所眷府中為之歌曰

髯參軍短主簿能令公喜能令公怒

蔡公語

蔡謨性篤慎每事必為過防故時人語曰

蔡公過浮航脫帶腰舟

吳人嘲

謝敷字慶緒會稽人也泰元末月犯少微一名處上星占者以隱士當之時譙

國戴逵有美才人或憂焉俄而敷死故會稽以嘲吳人云

吳中高士便是求死不得死

習主簿語

習鑿齒字彥威為桓溫荊州主簿親遇隆密時人語曰

徒三十年看儒書不如一詣習主簿

羊欣語

欣字敬元工隸書王子敬之後可以獨步時人語曰

買王得羊不失所望

從者歌

司馬休之兄尚為桓玄所敗休之奔淮泗頗得彼之人心從者為之歌曰

可憐司馬公作性甚溫良憶昔水邊戲使我不能忘

徐聖通歌

徐弘字聖通為汝陰令誅鋏姦桀道不拾遺民乃歌之曰

徐聖通政無雙平刑罰姦宄空

殷禮語

禮字往嗣好學手不釋卷嘗從曲阿往反不知隄瀆廣狹及行旅喧鬧時人語曰

奇才強記殷往嗣

樊氏陂歌 新野有陂東西十里南北五里為樊氏故宅樊氏滅後庾氏取之時人歌曰

陂汪汪下田良樊子失業庾公昌

沙門語 釋慧靜姓王東阿人少遊學伊洛之間晚歷徐兗容甚黑而識悟清遠時洛中有沙

門道經亦解邁當世與靜齊名而耳甚長大故時人語曰

洛下長大耳東阿黑如墨有問無不酬有酬無不塞

惠觀語 釋惠觀姓崔清河人以博見馳名晚適廬山咨稟惠遠及聞什公入關乃自南徂北

訪覈同異時人為之語云

通情則生融上首精難則觀肇第一

前涼大馬歌 張軌永寧初為涼州刺史擊破王彌又敗劉聰于河東京師歌曰

涼州大馬橫行天下涼州鴟苕寇賊消鴟苕翩翩悖殺

人

山石文 張軌時張掖臨松山石有金馬字磨滅相可識而張字分明有文云云

初祚天下西方安

秦川謠 張寔軌之子也軌卒授寔涼州刺史進大都督劉曜還遷天子寔遣太府司馬韓璞

東赴國難璞次南安諸羌斷軍路寔擊破之斬級數千時焦崧陳安寇隴右東與劉曜相持雍秦之人死者十八九初永嘉中長安語云云至是驗矣

秦川中血沒腕 一作唯 唯有涼州倚柱觀 一作看

涼州謠 張寔時有謠云云俄為左右閭沙等所殺

蛇利砲蛇利砲公頭墜地而不覺

西土謠 張茂寔之弟太興二年寔既遇害州人推茂平西將軍涼州牧涼州大姓賈摹寔之

妻弟也勢傾西土先是謠云云茂以為信誘而殺之於是豪右屏迹威行涼土

手莫頭圖涼州

姑臧謠

張駿寔之子茂卒駿嗣位大都督大將軍涼州牧西平公駿之立也姑臧謠云云至是而收復河南之地

鴻從南來雀不驚誰謂孤雛尾翅生高舉六翮鳳凰鳴

劉石謠

張駿時有謠云云姑臧及諸郡國兒童皆歌之謂劉曜石虎並伐涼州不克至苻堅而降之也

劉新婦簸米石新婦炊殺羝蕩滌簸張兒張兒食之口

正披

五龍語

辛攀字懷遠隴西狄道人父爽尚書郎兄攀曠弟寶迅皆以才識知名秦雍語曰

五龍一門金友玉昆

張沖謠

沖字長思燉煌人家財巨萬施之濟閭時人為謠曰

推財不疑張長思

宋纖頌

纖字令艾敦煌效穀人也隱居不仕張祚時太守楊宣畫其像於閣上出入視之作頌曰

為枕何石為漱何流身不可見名不可求

滅宋謠

張玄靖時宋玄安輔政有謠云云卒為司馬張邕所殺盡滅宋氏邕一名野

滅宋者田土子

西涼西州諺

武昭王李玄盛之創業也謨謀經畧其后尹氏多所毗贊故西州諺云

李尹王敦煌

後涼朔馬謠 孝武太元十四年苻堅故將呂光僭即三河王位光徙西海郡人於諸郡至是謠云云頃之遂相扇動復徙之於西河

朔馬心何悲念舊中心勞燕雀何徘徊意欲還故巢

北涼父老書

魏太武以沮渠牧犍在涼州雖稱藩致貢而內多乖戾於是親征城敗釋之初太延城中有一父老投書於燉煌城東門忽然不見其書一紙八字文云云又於震電之所得石丹書焉至牧犍立果七年而滅

涼王三十年若七年

石丹書

石山名在姑臧南山祀傍泥陷不通牧犍時其將董來毀祀伐木通道而行有封書云

河西河西三十年破帶石樂上

前趙方尺玉詩

終南山崩長安人劉終於崩所得白玉方一尺有文字云云羣臣咸賀以為勒滅之徵劉曜大悅齋七日而後受之以終為奉瑞大夫

皇亾皇亾敗趙昌井水竭構五梁罽酉小衰困囂喪鳴

呼嗚呼赤牛奮矧其盡乎

隴上歌

劉曜圍陳安于隴城安敗南走陝中曜使將軍平先丘中伯率勁騎追安安與壯士十餘騎於陝中格戰安左手奮七尺大刀右手執丈八蛇矛近交則刀矛俱發輒害五六遠則雙帶鞬服左右馳射而走平先亦壯健絕人與安搏戰三交奪其蛇矛而退遂追斬于瀾曲安善於撫綏吉凶夷險與眾同之及其歿隴上為歌云云曜聞而嘉傷命樂府歌之

隴上壯士有陳安軀幹雖小腹中寬愛養將士同心肝

驍驄父

一作交

馬鐵鍛鞍七尺大刀奮如湍丈八蛇矛左

右盤十盪十決無當前戰始三交失蛇矛棄我驍驄窟  
巖幽為我外援而懸頭西流之水東流河一去不還柰

子何

一云隴上健兒曰陳安軀幹雖小腹中寬愛養將士同心肝綠驄駿馬鐵鞞鞍七尺大刀配齊鏢丈入地矛左右盤十盪十決無當前百騎俱出如雲浮追者千萬騎悠悠戰始三交失蛇矛十騎俱盪九騎留棄我綠驄攀巖幽天非降雨追者休阿阿嗚呼柰子何阿

襄國老叟語

劉曜攻石勒於洛陽以醉墜馬為勒所獲歸于襄國北苑市三老孫機進

曜酒數之日

僕谷王關右稱帝皇當持重保土疆輕用兵敗洛陽祚  
運窮天所亾開大分持一觴

龐世謠

燕人龐世為光祿勳奏案豪強苛剋人物咸懼疾之及卒民無弔賓時人為之謠曰

龐家之巷車馬鱗鱗泥丸之日無吊賓吊賓不來何所

因由性苛刻寡所親

後趙襄國謠

晉初有謠云云後果為石勒所都

古居左月在右讓去言或入口

河北謠

成帝咸康二年十二月河北謠云云後如其言

麥入

一作如

士殺石虎

太武吟

石季龍大享羣臣於太武前殿佛圖澄吟云云後為冉閔所滅閔小字棘奴

殿乎殿乎棘子成林將壞人衣

識

初識言云云及冉閔封蘭陵公石季龍惡之攻蘭陵為武興郡後果為閔滅

滅石者陵

張樓謠

張樓為臨水長巖政酷刑殘忍無惠人謠之曰

陽平張樓頭如箱見人切齒劇虎狼

前燕玉版文

初石季龍使人探策華山得玉版文云云慕容雋自以為應遂僭稱帝

歲在申酉不絕如綫歲在壬子真人乃見

王嘉語

初慕容冲入長安王嘉語之云云未幾為左將軍韓延所殺鳳皇冲小字也

鳳凰鳳凰何不高飛還故鄉無故在此取滅亡

後燕關東謠

初關東有謠云云燕慕容垂之本名也與苻丕相持經年百姓死幾絕

幽州缺生當滅若不滅百姓絕

束藁謠

慕容熙暴虐其將馮跋張興因熙出城閉門距之熙攻北門不尅為慕容雲所執弑

之初童謠云云藁字兩頭然成高字雲父本姓高名拔小字秃頭三子而雲季也

一束藁兩頭然秃頭小兒來滅燕

南燕大風謠

慕容寶嗣位以慕容德為都督冀充六州諸軍事鎮鄴會魏師人中山寶

出奔于薊時有謠云云於是德之羣臣勸德僭號稱元

大風蓬勃揚塵埃八井三刀卒起來四海鼎沸中山頽

唯有德人據三臺

讖

姚興太史令高魯遺其甥王景暉送玉璽并圖讖祕文與慕容德羣臣因勸德即尊號

有德者昌無德者亡德受天命柔而復剛

五樓語

慕容超時公孫五樓為侍中尚書專總朝政王公內外無不憚之尚書都令史王儼

誥事五樓遷尚書郎出為濟南太守入為尚書左丞時人為之語曰

欲得侯事五樓

前秦洪水謠

苻洪字廣世畧陽臨渭氏人也先是隴右大雨百姓苦之謠云云又讖文有草付應王故改姓苻名洪自稱大單于三秦王歿偽諡惠帝

雨若不止洪水必起

長安二謠

苻生洪之孫嗣父健位僭稱帝初生夢地時為龍驤將軍第在洛門之東生不知是堅以謠言之故誅其侍中魚遵及其子孫時又謠云云生闕一目於是悉壞空城以禳之俄而為苻法所廢見殺

東海大魚化為龍男便為王女為公問在何所洛門東

百里望空城鬱鬱何青青瞎兒

一作人不知法仰不見天星

識

苻堅初新平王彪陳說圖讖云云此即三祖及陛下之聖諱也當滅燕平六州願徙汧隴氏於京師三秦大戶置於邊地以應二讖之言

古月之末亂中州洪水大起健西流唯有雄子定八州

當有艸付臣又土滅東燕破白虜氏在中華在表

阿堅謠

苻堅初有此童謠及堅敗於淝水為姚萇所殺在偽位凡三十年

阿堅連牽三十年後若欲敗時當在江湖邊

鮮卑謠

特復有謠云云魚羊鮮也田斗卑也堅自號秦言滅之者鮮卑矣其羣臣諫堅令盡誅鮮卑堅不從及淮南初為慕容沖所攻又為姚萇所殺身歿國滅

魚羊田斗當滅秦

長鞘謠

秦之末亂也長安謠云云秦人呼鮮卑為白虜慕容垂之起於關東歲在癸未

長鞘馬鞭擊左股太歲南行當復

一作虜

鳳凰苻堅時長安有此謠堅以鳳凰非梧桐不棲非竹實不食乃植桐竹數十萬株于阿房城以待之及慕容冲叛攻堅入止阿房城焉

### 鳳凰鳳凰止阿房

新城謠苻堅疆盛之時國有童謠云云秦人稱其君曰詔堅聞而惡之每征伐戒軍候云地

有名新城者避之後因壽陽之敗其國大亂竟歿於新城佛寺

### 河水清復一作清苻詔死新城

淮北謠苻堅南伐至項城弟陽平公融攻壽陽克之馳使白堅宜速進軍堅捨大軍於項城

兼道赴之遂大敗單騎逃還初淮北謠言云云羣臣勸堅停項為六軍聲鎮堅不從

### 堅不出項

國中謠桓豁聞苻堅國中謠言云云有子二十人皆名石應之及堅敗淝水謝石為都督

### 誰謂爾堅石打破一作破

王嘉語苻堅徵處士王嘉嘗咨訪之時慕容暉謀殺堅人見東堂請堅幸其私第堅許之暉

出嘉語云云堅與羣臣莫之能解是夜大雨晨不果出尋事覺暉伏誅

### 椎蘆作蘧條不成文章會天大雨不得殺羊

五將謠姚萇與慕容冲合攻苻堅於長安先是謠言云云又城中有書曰古苻傳賈錄載帝

出五將久長得堅大信之至五將山姚萇執而縊殺之

### 堅入五將山長得

東關歌苻堅時鳳凰集于東關百姓歌之曰

### 鳳凰于飛其羽翼翼淵哉一作聖后饗齡萬億

關隴歌苻堅時關隴清宴百姓豐樂自長安至於諸州皆夾路樹槐柳二十里一亭四十里

一驛旅行者取給於途工商貿販於道百姓歌之曰

長安大街夾樹楊槐下走朱輪上有鸞棲英彥雲集誨我萌黎

長安語

初堅之未亂也關中土然無火而烟氣大起方數十里月餘不滅堅每臨聽訟觀令民有怨者舉烟於城北觀而錄之長安為之語

欲得必存當舉烟

苻雅語

尚書令苻雅為人樂施乞人填門嘗曰天下物何常吾今日富後日貧耳忽一日不施則意不泰時人為之語曰

不為權異富寧作苻雅貧

二梁語

梁讜字伯言博學有雋才與弟熙俱以文藻清麗見重一時人為之語曰

關東堂堂二申兩房未若二梁壞文綺章

後秦索稜歌

索稜字孟則燉煌人好學博聞姚萇甚重之委以機密文章詔檄皆稜之筆也後為平原太守以德化民民畏而愛之歌曰

懿矣明守庶績允釐剖符作宰實獲我思

後蜀譙周識

實人李特與弟流據蜀自稱大都督特少子雄僭稱帝傳至勢為晉桓溫所滅先是譙周云我死後三十年當有異人入蜀由之而亡及蜀亡之歲去周死三十二年周又著識云云卒如其言

廣漢城北有大賊曰流曰特攻難得歲在玄宮自相尅

蜀郡謠

惠帝元康三年正月歟一夜有火光地仍震童謠曰

郾城堅盜底穿郾中細子李特細

江橋頭闕下市成都北門十八子

巴郡謠

羅尚在巴郡時有謠云云

巴郡葛當下美巴郡

有客謠

益州刺史皮素之西上也謠曰

有客有客來侵門陌其氣欲索

太保語

李雄異母兄始字伯敬為太保善撫士眾

欲養老屬太保

宋

識

河洛識文云云二口建戈劉也晉金行劉姓有金故曰兩金相刻也空穴無主奇入中為寄字女子獨立又為雙為奴字宋武帝姓劉小字寄奴

二口建戈不能方兩金相刻疑

發

作神鋒空穴無主奇

入中女子獨立又為雙

劉向識

武帝小字寄奴太子名義符

上五盡寄致太平草付合成集羣英

金雌詩

火宋之分野水宋之德也兩云玄字也武帝名裕起兵討桓玄誅之

大火有心水抱之悠悠百年是其時

云出而兩漸欲舉短如之何乃相咀交哉亂也當何所

唯有隱巖殖禾黍西南之朋困桓父

魚登識

雍州刺史魯宗之負力好亂慮不為武帝所容嘗為識曰

魚登日輔帝室

錢塘謠 文帝元嘉中謠言云云乃於錢塘置戍軍以防之後孝武即位於新亭寺禪堂禪與錢音相近也

### 錢塘當出天子

魏地二謠

元嘉二十七年魏太武帝圍汝南戍文帝遣臧質北救至盱眙太武已過淮自廣陵返攻盱眙就質求酒質封溲便與之且報書云不聞童謠言邪冥期使然非復人事爾智識乃眾豈能勝苻堅邪頃年展爾陸梁者是爾未飲江太歲未卯耳時魏地有童謠故質引之云

虜馬飲江水佛狸歿卯年

輶車北來如穿雉不意虜馬飲江水虜主北歸石濟死

虜欲渡江天不徙

檀道濟歌

檀道濟元嘉中鎮尋陽十二年入朝與家分別顧瞻城闕歎歎逾深識者是知道濟之不南旋也故時人為其歌以十三年三月伏誅

生人作死別荼毒當奈何

建康語

劭之弑文帝而自立也孝武起兵擒劭暴屍于市投之江中時人為語曰

遙望建康城小江逆流縈前見子殺父後見弟殺兄

湘中謠

永光初有訛言云云帝將南巡荆湘以厭之俄而為湘東王所廢

湘中出天子

王張謠

明帝以王景文外戚貴盛張永累經軍旅疑其將來難信乃自為謠言

一士不可親弓長射殺人

白銅蹄謠

元徽中童謠後沈攸之反雍州刺史張敬兒襲江陵殺攸之子元璜等

### 襄陽白銅蹄郎殺荊州兒

可憐謠

齊高帝輔政袁粲劉彥節王蘊等皆不同而沈攸之又稱兵反粲蘊雖敗攸之尚存卞彬意猶以高帝事無所成乃謂帝曰比童謠云云公頗聞不時蘊居父憂與粲同歿故云尸著服也服者衣也孝子不在日代哭者褚子也彬謂沈攸之得志褚彥回當敗故言哭也列管謂蕭也高帝不悅及彬退曰彬自作此

### 可憐可念尸著服孝子不在日代哭列管暫鳴死滅族

溫公語

釋道溫姓皇甫安定朝那人高士謚之後也年十六入廬山修遠公受學大明中勅為都邑僧主屢當講任稟位之賓填委相屬精勤導物數感神異孝武帝重之賜錢五十萬時人為之語曰

### 帝王傾財溫公率則上天懷感神靈降德

宋世謠

宋時用人乖實有謠云云或曰齊梁之末多以貴遊子弟為之故當時云

### 上車不落為著作體中何如作秘書

一為作並作則

跋扈語

諸葛長民貪淫驕縱武帝每優容之劉毅既誅長民懼禍將及謀作亂帝自江陵還長民到門引前却人間語密命丁旼自幔後於坐拉死輿屍付廷尉旼曉勇有力時人語曰

### 勿跋扈付丁旼

白浮鳩歌

檀道濟宋之良將有威名為敵所畏文帝疑而殺之時人哀而作歌

### 可憐白浮鳩枉殺檀江州

顏謝語

考武帝時顏竣為吏部尚書留心選舉任遇既隆奏無不可後謝莊代竣意多不行竣容貌嚴毅莊風姿甚美賓客喧訴常懽笑答之時人語曰

### 顏竣嗔而與人官謝莊笑而不與人官

王遠語

遠王僧祿父也為光祿勳宋世為之語曰

王遠如屏風屈曲從俗能蔽風露

陶覆之語

覆之字孫宗為太常丞凡宗廟疑義多所決定時人語曰

定禮決疑問陶覆之

關場語

元嘉中惠嚴惠議並住東安寺學行精整為道俗所推時關場寺多禪師都下語曰

關場禪師窟東安談藝林

謝靈運語

陳郡謝靈運有逸才每出入自扶接者常數人民間謠曰

四人挈衣裾三人捉坐席

將士謠

宗越為將性嚴酷好刑誅時王玄謨御下亦少恩將士為之語曰

寧作五年徒不逐王玄謨玄謨猶尚可宗越更殺我

奚度謠

大明中有奚顯度者為員外散騎侍郎孝武嘗使王領人功而苛虐無道動加捶撻

暑雨寒雪不聽暫休人不堪命時建康縣考囚或用方材壓額及蹀脛故民間為之謠曰

寧得建康壓額不能受奚度拍

勿反顧付奚度

禾絹謠

明帝時阮佃夫楊運長王道隆皆擅威權言為詔敕郡守令長一缺十除內外混然

官以賄命王阮家富於公室中書舍人胡母顯專權奏無不可時人語云云禾絹謂上也

禾絹閉眼諾胡母大張橐

京邑語

安成公何勗臨汝公子孟靈休並各奢豪以肴膳器服車馬相尚京邑語曰

安成食臨汝飾

戴碩子語

山陰戴碩子家貧以販紵為業三子延壽延興法興並修立時同縣有陳戴者

家富有錢三千萬鄉人語曰

戴碩子三兒敵陳戴三千萬錢

二王謠

宋德既衰齊高帝輔政朝野咸懷彼此雅王延之王僧虔中立無所去就時人語曰

二王居平不送不迎

石城謠

袁粲謀舉兵誅齊高帝褚淵發其謀粲兵敗遇害而淵獨輔政于時百姓語曰

可憐石頭城寧為袁粲死不作褚淵生

禽獸決錄

下彬曰禽獸云云指斥貴勢羊謂呂文顯褚朱隆之為潘敞狗呂文度也

羊性淫而佞猪姓卑而率鷲性頑而傲狗性險而出

縣鼓書

孫抱為延陵令廣陵高爽詰之抱了無故人之懷爽題縣鼓云

徒有八尺圍腹無一寸腸面皮如許厚受打未渠央

齊

識

河洛識文云云宋水德王自義熙至昇明凡七十七年故云七七也蕭草成道高帝姓名也南斗第一星吳分也二士主字也

年曆七七水滅緒風雲俱起龍蛇

一作鱗舉

蕭草成道德懷書備出身形法治吳出南京

壇場河梁塞龍淵消除水災泄山川

上參南斗第一星下立草屋為紫庭迎龍之岡梧桐生

鳳鳥舒翼翔且鳴

蕭為二士天下大樂

天子何在草中宿

京房識

建元初芮芮國相邢基祗羅廻奉表引識云云

卯金十六草肅應王

王嘉歌

後二首書其屋壁金刀劉也三分二叛宋明帝世也三王九江者孝武於九江興晉安王亦稱大號高帝父承之又於九江基霸跡也一國二主謂高帝符運潛與為宋氏驅除寇難也草肅肅也穀中精細者稻也即道也熟猶成也高帝體有龍鱗斑駁成文始謂是黑歷治之甚至而文愈明

金刀治世後遂苦帝王昏亂天神怒災異屢見戒人主

三分二叛失州主三王九江悉

一作

在吳餘悉稚小早

少孤一國二主天所驅

三禾慘慘林茂孳金刀利刃齊刈之

欲知其姓草肅肅穀中最細低頭熟鱗身甲體永興福

金雄記

鑠金作刀在龍里占睡上人相須起

當復有作肅入草

草門可憐乃當建號不成易運沸

東城謠

宋明帝泰始中童謠云云及高帝受禪舊宅在晉陵武進縣之東城里

東城出天子

石壘文

宋昇明三年四月滎陽人於嵩高山東南澗見天雨石墜地石開有壘方三寸文曰

戊丁之人與道俱肅然入草應天符

青衣小兒語

初高帝在淮南荀伯玉假還廣陵夢上廣陵城南樓上有二青衣小兒語

伯玉云云伯玉視城下人頭上皆有草

草中肅九五相追逐

赤谷謠

齊受禪張敬兒歷遷車騎將軍心自疑畏誘說部曲自云貴不可言又使於鄉里為謠言令小兒輩歌云云武帝疑有異志誅之敬兒家在冠軍里宅前地名赤谷

天子在何處宅在赤谷口天子是阿誰非豬如是狗

白馬歌

永明初百姓歌後句間云陶郎來白者金色馬者兵事三年妖賊唐寓之起言唐來

白馬向城啼欲得城邊草

赤火謠

永明中魏地童謠云云尋而京師人家忽生火赤於常火熱小微貴賤爭取以治病或云有沙門賣此火自北入齊大火異常詔禁之後梁以火德興

黑水流北赤火入齊

赤火南流喪南國

千里流謠

永元元年童謠千里流者江祐也東城遙光也遙光夜舉事垣歷生者烏皮袴褶往奔之跛脚亦遙光老姥子孝字之象徐孝嗣也

洋洋千里流流嬰東城頭烏馬烏皮袴三更相告訴脚

跛不得起誤殺老姥子

野豬謠

永元中童謠云云東昏侯屬豬或云陳顯達亦屬豬崔慧景屬馬梁王屬龍蕭穎胄屬虎崔慧景攻臺頓廣莫門死時年六十三但看三入者起建元元年至中興二年二十四年也

野豬雖嗥嗥馬子空間渠不知龍與虎飲食江南墟七

九六十三廣莫人無餘烏集傳舍頭今汝得寬休但看

三八後摧折景陽樓

楊婆兒謠

鬱林王隆昌元年童謠初王令女巫楊氏禱祝速來天位楊氏子珉亦有美貌

楊婆兒共戲來所歡

閱武堂歌

東昏侯即臺城閱武堂為芳樂苑山石皆塗以彩色跨池水立紫閣諸樓觀又於苑中立店肆以潘妃為市令又作土山開渠立埭下苑中時百姓歌云

閱武堂種楊柳至尊屠肉潘妃沽酒

刀敕語

東昏時左右應勅捉刀之徒並專國命人問謂之刀動都下語曰

欲求貴職依刀動須得富豪事御刀

宮中謠

東昏時左右刀動之徒民間悉號曰鬼故宮中有此謠至梁武帝伐齊悉誅之俗間以細剉肉糝以薑桂曰動也

趙鬼食鴨勑諸鬼盡著調

長沙王歌

長沙威王晃高帝四子也少有武力昇明中為淮南宣城二郡太守晃便弓馬初沈攸之事起晃多從武容赫奕都街時人為之語曰

煥煥蕭四織

荀伯玉語

高帝時軍國密事多委任荀伯玉時人為之語曰

十勅五令不如荀伯玉命

桓康語

桓康蘭陵人也隨孝武帝起兵摧堅陷陣膂力絕人江南人畏之高帝鎮東府除武陵王中兵寧朔將軍常侍衛左右帝誅黃回使康數回罪然後殺之時人語曰

欲俛張問桓康

都人語

永明末都下人士盛為文章談義皆奏竟陵西邸劉繪為後進領袖時張融言辭辨捷周顒彌為清綺而繪音采不瞻麗雅有風則時人為之語云云言繪處二人間也

三人共宅夾清漳張南周北劉中央

劉繪語

劉繪貼宅別開一門

差山語

沈麟士隱居餘干吳差山講經教授從學數十百人各營屋宇依止其側時人語曰

吳一無吳字差山中有賢士開門教授居成市

山陰謠

丘仲孚為山陰令居職甚有聲稱百姓為此謠前世博琰父子沈憲劉玄明相繼宰山陰並有政績

二傳沈劉不如一丘

綦母舍人語

林時綦母珍之得幸嘗給宅輒令材官營作不關詔旨時人語曰

寧拒至尊敕不可違舍人命

梁

白銅蹄謠

梁武帝在雍鎮時童謠及義師之與實以鐵騎揚州之士皆面縛如其言

襄陽白銅蹄反縛揚州兒

梁字歌

齊末陶弘景為歌云云及梁武帝兵至新林遣弟子奉表并引圖識皆成梁字

水丑木

識

武帝勲業既就天人允屬沈約嘗扣其端帝默而不應約引識云云

行中水作天子

鹿子謠

武帝天監元年十一月立長子統是為昭明太子時民間謠云鹿子開者反語為來

子哭也後太子果薨統長子歡為徐州刺史以嫡孫次應嗣位而帝意在晉安王猶豫未決及立晉安王為皇太子而歡止封豫章郡王還任卒如謠言

鹿子開城門城門鹿子開當開復未開使我心徘徊城

中諸少年逐歡歸去來

樂哉詩

天監三年六月八日武帝講於重雲殿沙門誌公忽然起舞歌樂須臾悲泣賦五言

詩云云梁自天監至于大同三十餘年江表無事至太清二年臺城陷帝享國四十八年所言五十裏也太清元年八月十三而侯景自懸瓠來降在丹陽之北子地也帝惑朱异之言以納景景之作亂始自戊辰之歲至午年而帝憂崩

樂哉三十餘悲哉五十裏但看八十三子地妖災起佞

臣作欺妄賊臣滅君子若不信吾言

一作語

龍時候賊起

且至馬中間銜悲不見喜

昔年詩

天監中沙門釋寶誌為詩云云帝使周捨封紀之及中大同元年同泰寺災帝啓封

捨手迹為之流涕帝生於甲辰三十八剋建鄴之年也遇災歲實丙寅八十三矣四月十四日而火起始自浮屠第三層三者帝之昆季次也

昔年三十八今年八十三四中復有四城北火酣酣

掘尾詩

天監十年四月八日誌公於大會中作詩云云狗子景小字初自懸瓠來降即昔之汝南也三湘巴陵地名景奔敗處

掘尾狗子自發狂當死未死齧人傷須臾之間自滅亡

起自汝陰

一作際

死三湘

一云兀尾狗子始著狂欲死不死齧人傷須臾之間自滅亡患

在汝陰死三湘橫尸一日無人藏

山家詩

誌公復有詩云云山家小兒猴狀也

山家小兒果攘臂太極殿前作虎視

誌公識天監中釋寶誌云云時言蕭氏當滅李氏代與故陸納反以李洪雅為應符推為謀主然卒以敗

太歲龍將無理蕭經霜草應死餘人散十八子

題壁詩

題所居壁或云秘在篋裏化後門人方稍

出之大同末士人競談玄理不習武事後侯景篡果居昭陽殿

夷甫任散誕平叔坐談空不言昭陽殿化忽一作作單于

宮

洛陽歌

大通初武帝遣驍勇將軍陳慶之送魏北海王元顥還北主魏轉戰而前連破魏軍

顥入洛陽宮御前殿改元大赦于時上黨王元天穆來攻慶之又大破之慶之麾下悉著白袍所向披靡先是洛陽人歌云云至是果驗或作童謹

名軍一作師

大將莫自勞

一作千兵萬馬被白袍

北方謠

武帝時魏降人王足陳計求堰淮水以灌壽陽足引北方童謠云云帝發淮陽戶丁

及戰士二十萬築之以康絢督其事南起浮山北抵巉石堰成長九里高二丈夾堤并樹杞柳軍人安堵其上魏軍竟潰而歸水之所及方數百里魏壽陽城戍稍徙頓八公山

荆山為上格浮山為下格潼沱為激溝併灌鉅野澤

青絲謠

大同中童謠侯景涇陽之敗遣人求錦朝廷給之青布其後皆用為袍色尚青景乘白馬青絲為轡欲以應謠

青絲白馬壽陽來

的脰烏謠

侯景既剋建鄴修飾臺城及朱雀宣陽等門童謠曰

的脰

一作白頭

烏拂朱雀還與吳

荆州謠

侯景僭位童謠云云

脫青袍著芒屨荆州天子挺應著

江陵謠

侯景既誅傳首至江陵元帝命梟於市三日然後煮而漆之以付武庫先是江陵謠言云云景首既至元帝付李季長宅宅東即苦竹町也既加鼎鑊即用市南水焉

苦竹町市南有好井荆州軍殺侯景

獨梁謠

荆州謠云云時杜巖為西荆州刺史取一惡為之逾年而巖卒

獨梁之下有瞎天子

曇彥語

許詢與沙門曇彥同建浮圖未成而詢亡及詢後身為岳陽王鎮越州曇彥為語云云王曰弟子姓蕭名答曇彥以三昧力加被王乃恍然悟前身也

許玄度來何暮昔日浮圖今如故

雍州謠

蕭範梁武帝之從子也都督雍州刺史撫循將士盡得歡心時論者謂範欲為賊又童謠云云然卒無驗

莫忽忽且寬公誰當作天子草覆車邊已

北童謠

北齊遣柳達摩領兵侵梁陳霸先命侯安都敗之達摩謂衆曰頃在北童謠云云侯景服青已倒于此今吾徒衣黃豈謠言驗邪

石頭擣兩襠擣青復擣黃

虜奴謠

梁兵既勝齊兵中以賞俘買酒者一人裁得一醉先是童謠曰

虜萬夫入五湖城南酒家使虜奴

金鉤文

荆府城局參軍吉士瞻浚仗庫防火池得金革帶鉤有文云云士瞻夏侯詳兄女婿也女竊以與詳詳佩之果暮歲而貴矣

錫爾金鉤既公且侯

始興王歌

始興忠武王憺為都督荆州刺史時天監初軍旅之後公私匱乏憺厲精為政廣闢屯田減省力役供其窮困辭訟者皆立待符教決於俄頃曹無留事下無滯獄後徵還朝而民歌之

始興王人之爹赴人急如水火何時復來哺乳我

四張語

張稷字子公喬與族兄克融卷俱知名時人稱之曰

克融卷稷是為四張

陸杲語

杲字明霞舅張融有高名杲風韻舉動頗類於融時稱之曰

無對日下唯舅與甥

省中語

賀琛為散騎常侍領尚書左丞參禮儀事每進見武帝與語常移晷刻省中語云云琛容止閒雅故時人呼之

上殿不下有賀雅

謝王語

王筠與從兄泰齊名陳郡謝覽及弟舉亦有重譽時人為之語云云炬泰小字養筠小字也

謝有覽舉王有養炬

三何語

何思澄與宗人遜及子朗俱擅文名時人語云云思澄聞之曰此言誤耳如不然固

當歸遜思澄意謂宜在已也

東海三何子朗最多

子朗語 何子朗字世明有才思時人為之語曰

人中爽爽有子朗

京師語 元帝為江州副君賜報曰京師有語云云

論議當如湘東王仕宦當如王克

兩雋語 何妥少聰明時蘭陵蕭春亦有雋才住青

世有兩雋白楊何妥青楊蕭春

王彬語 彬好文章習篆隸與志齊名時人為之語

三真六草為天下寶

夏侯歌 夏侯夔為豫州刺史於蒼陵立堰新田千

有恩惠百姓歌之曰

我之有州賴彼 一作賴仍 夏侯前兄後弟布政優優

鄱陽歌 陸襄吳郡人為鄱陽內史先是郡人鮮于

珠黨與因求貨賄皆不得其實或有善人盡室

罹禍唯襄郡枉直無濫人歌之云云又郡人有

彭李二家先用忿爭遂相誣告襄引入內室不

鮮于抄 一作後善惡分人 無橫死賴有 一無陸君

陸君政無怨家鬪既罷讐共車

瞿塘行人歌 庾子輿新野人有孝性丁母憂哀至

喪還鄉秋水猶壯巴東有淫預石高出二十許丈及秋至則纔如見次有瞿塘大難行旅忌之部伍至此石猶不見子與撫心長叫其夜五更水忽退減安流南下及渡水復舊行人歌曰

淫預如幙本不通瞿塘水退為庾公

南州語

江華為潯陽太守清嚴為屬城所憚正直自居不與典籤趙道智坐道智還都啓事誣奏革墮事好酒以瑯琊王曇聰代為行事南州士庶為之語曰

故人不道智新人佞散騎莫知度不度新人不如故

北軍歌

臨川靜惠王宏為揚州刺史天監中武帝詔都督諸軍侵魏宏以帝之介弟所領皆器甲精新軍容甚盛北人以為百數十年所未之有軍次洛口前軍冠梁城諸將欲乘勝深入宏聞魏接近畏懦不敢進召諸將欲議旋師呂僧珍曰知難而退不亦善乎柳玳等不從宏不敢違羣議停軍不進魏人知其不武遺以巾幘北軍乃歌云云韋武戲也

不畏蕭娘與呂姥但畏合肥有韋武

題履謎

孫廉便辟巧宦廣陵高爽為履謎喻廉譏其不計耻辱以此取名也

刺鼻不知嚏蹋面不知瞋齧齒作步數持此得勝人

王瑩語

瑩封建城公當開黃閣欲買南隣朱侃半宅侃貨錢百萬乃回閣向東時人語曰

欲向南錢可貪

臨賀謠

臨賀王正德與侯景同逆梁室遂亡百姓至聞臨賀郡名亦不欲道故謠云

寧逢五虎入市不欲見臨賀父子

雍州歌

南平王世子恪為雍州刺史年少未閑庶務百姓每通一辭數處輸錢方得聞徹賓客江仲舉蔡遠王臺卿庾仲容並有蓄積民間歌之後達武帝帝因接末句云

江千萬蔡五百王新車庾大宅主人憤憤不如客

府中謠 徐君舊為湘東王鎮西諮議參軍頗好聲色侍妾數十皆佩金翠曳羅綺時襄陽魚弘亦以豪侈稱於是府中謠曰

北路魚南路徐

鮑佐語 鮑正為湘東王五佐好交遊無日不適人

無處不逢鳥噪無處不逢鮑佐

丁君語 梁元帝書記皆出洪亭丁覘之筆軍府多未相重故語云

丁君十紙不敵王褒數字

陳

三餘謠 漢末童謠云云吳乃改會稽之餘暨為永興分烏程之餘不為永安以協謠言長城有餘干山餘鬢谿餘魚浦陳武帝與焉

天子當與東南三餘之間

王氣謠 梁世有謠云云梁武帝聞之乃於餘干餘姚餘杭皆為厭勝

王氣在三餘

鳥山謠 長城北五里有雉山梁武帝時聞童謠云云乃於江左以鳥名山者皆鑿之而雉山獨遺焉及武帝興為長城下若里人寔應其謠

鳥山出天子

巴馬謠 梁未有童謠云云及王僧辨乘巴馬以繫侯景馬上郎王字也塵謂陳也江東謂殺

羊角為阜筴隋氏姓楊楊羊也言陳終滅於隋也

可憐巴馬子一日行千里不見馬上郎但有黃塵起黃塵汚人衣阜筴相料理

御路謠 陳初童謠

御路種竹篠蕭蕭已復起合盤貯蓬塊無復揚塵已

夜鳥飛謠 陳初謠言

日西夜鳥飛拔劍倚梁柱歸去來歸山下

江東謠 陳初有童謠云云其後韓擒虎破建康乘青驄馬往反時節皆應

黃斑青驄馬發自壽陽埃來時冬氣未去日春風始

玉樹歌 禎明初後主作新歌詞甚哀怨令後宮美人習而歌之時人以爲不久兆也

玉樹後庭花花開不復久

齊雲觀歌 後主造齊雲觀國人歌之功畢而爲隋師所虜

齊雲觀寇來無際畔

二賀語 賀臨仁越州山陰人在陳與兄德基同事周弘正以文辭稱人爲語曰

學行可師賀德基文質彬彬賀德仁

張種語 張種少恬靜居處雅正不妄交遊傍無造請時人爲之語曰

宋稱敷演梁則卷克清虛學尚種有其風

北魏

中山祆言 登國中中山太守仇儒亡匿趙郡推趙淮爲主妄造祆言云云淮喜而從之尋

爲長孫肥所誅

燕東傾趙當續欲知其名淮水不足

虜中謠 魏太武時聞謠言云云甚惡之後虜水人蓋吳於杏城天台舉兵反遣擊之輒敗

滅虜者吳也

狐貉謠

孝武帝永熙三年遇醜而崩初宣武孝明間謠云云魏本索髮焦梨狗子指宇文泰泰小字黑獺也

狐非狐貉非貉焦梨狗子齧斷索

二拔謠

永熙二年竇泰破余朱榮神武入洛余朱仲部下都督張子期自滑臺歸命神武斬之斛斯椿由是不安乃與南陽王竇炬等構神武於魏帝故魏帝心貳於賀拔岳初孝明之時洛下以兩拔相擊謠言云云好事者以二拔謂拓拔賀拔言俱將衰之兆

銅拔打鐵拔元家世將末

洛中謠

余朱彥伯節閔帝時封博陵郡王位侍中及張勸襲余朱世龍神武執彥伯與世隆同斬於門外懸首於斛斯椿門樹先是洛中謠云云至是並驗

三月末四月初揚灰簸土覓真珠

頭去項脚根齊驅上樹不須梯

青雀謠

孝武帝既入關渤海王高歡議立清河王于善見以奉明帝之後是為孝靜皇帝遷都於鄴為東魏自是軍國政務皆歸相府先是童謠云云青雀子謂靜帝實清河王之世子鸚鵡謂齊神武即高歡也後竟為齊所滅

可憐青雀子飛來鄴城裏羽翮垂欲成化作鸚鵡子

鄴都謠

孝靜帝始移都于鄴時有童謠云云孝靜尋崩考靜后則齊神武之女也文宣以后為太原長公主降於楊愔時神武婁后尚在故言寄書於婦母新婦子斥后也

可憐青雀子飛入鄴城裏作窠猶未成舉頭失鄉里寄

書一作言與婦母好看新婦子

鸞生謠

蕭寶夤本齊明帝子奔魏歷雍州刺史將有異圖問柳楷楷引謠言云云明帝名子

鸞寶負信之遂反尋被誅

鸞生十子九子歿一子不歿關中亂

詰汾諺

聖武皇帝名詰汾嘗出於山澤歛見輜輶自天而下既至見美婦人自稱天女受命相偶旦日請還期年復會於此言終而別及暮帝至先田處果見天女以所生男授帝曰此君之子也當世為帝王是為神元皇帝名力微故時人諺曰

詰汾皇帝無婦家力微皇帝無舅家

雍州語

太武將北征發驢運糧使公孫軌部調雍州軌令驢主皆加絹一匹百姓為之語曰

驢無彊弱輔脊自壯

輔脊一作負絹

上高里語

洛陽城東北有上高里殷之頑民所居處也高祖名闡義里遷京之始朝士住其中迭相譏刺竟皆去之唯有造瓦者止焉世人語曰

洛城東北上高里殷之頑民昔所止今日百姓造甕子

人皆棄去住者耻

瑤光寺語

爾朱兆入洛陽肆兵太掠寺有秀容為胡騎淫穢是後頗獲譏諺謂京師語曰

洛陽女兒急作髻瑤光寺尼奪女婿

白馬寺語

白馬寺浮圖前奈林蒲萄味殊美異於餘處每熟時車駕親詣取之京師語曰

白馬甜榴一實直牛

索郎語

河東民有劉墮者工釀採挹河流醞成芳耐其色清白若滫漿而蘭麝馨逸王公庶官牽拂相招者每語云云索郎者反語為桑落也

索郎有顧思同旅語

二王語

衛王儀督力過人弓將十石桓王虔稍大稱異時人語曰

衛王弓桓王稍

呂府君頌

呂顯字子明皇始初拜鉅鹿太守清身奉公百姓頌之

時惟府君克清克明緝我荒土人胥樂生願壽無疆以

享長齡

羣臣頌

長孫道生以清約為太武所重命歌工歷頌羣臣曰

智如崔浩廉如道生

袁祖語

祖瑩與陳郡袁翻齊名秀出時人為之語曰

京師楚楚袁與祖洛陽

一作翩翩祖與袁

李波小妹歌

廣平李波宗族疆橫故語云云刺史李安世設方畧誘波殺之州內肅然

李波小妹字雍容褰裙逐馬如卷蓬左射右射必疊雙

婦女尚如此男子安

一作可逢

李謚語

謚少好學周覽百氏初師事小學博士孔璠數年後璠還就謚請業同門生為語曰

青成藍藍謝青師何常在明經

崔楷語

楷字季則歷官中郎將性嚴烈能摧挫豪強時人語曰

莫獺獬付崔楷

負絹語

靈太后幸左藏賜羣臣布絹儀同陳留公李崇章武王融並以所負多顛仆于地崇乃傷腰融至損腳時人為之語曰

陳留章武傷腰折股貪人敗類穢我明主

王嶷語

孝文初王嶷為南部尚書時南州多事李訢鄧宗慶等號為明察並見誅戮而嶷委隨不斷卒得自保時人為之語曰

實癡實昏終得保存

游雅語

雅字伯度小名黃頭勸高允娶於其族允將婚邢氏不從雅戲語曰

人貴河間邢不勝廣平游人自棄伯度我自敬黃頭

咸陽王歌

宣武景明中咸陽王禧謀逆伏誅後宮人為之歌其歌遂流於江表北人之在南者聞弦管奏之莫不灑泣

可憐咸陽王奈何作事誤金牀玉几不能眠夜踏霜與

一作起踏霜

露洛水湛湛彌岸長行人那得渡

元暉號

右衛將軍暉魏宗室也為宣武所寵任禁中祕密之事別奉旨藏之於櫃唯暉入始開侍中戴祖亦蒙恩矜時人號曰

餞彪將軍饑鷹侍中

郭祚號

郭祚從宣武幸東宮時孝明幼弱祚懷黃軀奉之私事應詔左右趙桃弓時人號曰

桃弓僕射黃軀少師

吹篳語

河間王琛婢朝雲善吹篳能為團扇歌隴上聲琛為秦州刺史羗叛屢討不勝令朝雲假為貧女吹篳而乞羗聞之流涕曰何故舍墳井在山谷為寇耶即降秦民語曰

快馬健兒不如老嫗吹篳

二王語

崔光為孝明帝講孝經王道業預講安豐王延明錄義時人語曰

英英濟濟王家兄弟

唐將語

唐永有將帥才正光中為北地太守數與賊戰未嘗敗北時人語曰

莫陸梁恐爾逢唐將

楊公語

楊津行定州事賊帥杜洛周等每來攻城津置爐鑄鐵持以灌賊賊相語曰

不畏利槩堅城唯畏楊公鐵星

曲堤二謠

宋世良孝莊時為清河太守才識開明尤善政術郡東南有曲堤成公一姓阻而居之羣盜多萃於此人為之謠云云世良施八條之制盜奔他境人又謠云云

寧度東吳會稽不歷成公曲堤

曲堤雖險賊何益但有宋公自屏跡

趙郡謠

李曾孝武時為趙郡太守令行禁止并州丁零數為山東害知曾能得百姓死力不敢入境賊於常山界得一死鹿謂趙郡地責令送鹿故處其見憚如此人為之謠曰

詐作趙郡鹿猶勝常山粟

河東謠

元淑魏宗室為河東太守俗多商賈罕事農業淑下車勸課謠曰

秦州河中

一作東

杼柚代舂元公至止田疇始理

三王語

濟南王元或與從兄安豐王延明中山王熙齊名時人為之語曰

三王楚楚盡琳瑯

一作琳瑯

未若濟南備圓方

皇宗語

陽平王子欽字思若與兄安壽並有令譽時人為之語云云安壽孝文帝賜名頤

皇宗畧畧壽安思若

房氏語

房景伯二弟景先景遠事景伯皆如嚴親及景先亡景伯與景遠並蔬食終喪暮不

內寢鄉里語曰

有義有禮房家兄弟

鄴下語

李渾與弟繪緯俱為聘使稱職鄴下語曰

學則渾繪緯口則繪緯渾

白墮語

河東有劉白墮善釀飲之香美而醉經月不醒永熙中南青州刺史毛鴻賓賚酒之

蕃路逢賊盜飲之即醉皆被禽獲游俠為之語

不畏張弓挾刀唯畏白墮春醪

李普濟語 普濟學涉有名性和韻為濟北太守時人語曰

入麤入細李普濟

崔九語 崔子約有至性居母喪哀毀骨立時人語曰

崔九作孝風吹即倒

中郎語 東魏崔暹子達年十三暹令儒者教其說周易兩字乃集朝貴名流達年升高坐

開講趙郡賈仲讓陽屈服之暹大悅擢仲讓為司徒中郎下為之語曰

解義兩行得中郎

二府語 大統初獨孤信鎮洛陽徵陽城柳蚪為行臺郎中頴川裴諷為北府屬並掌文翰時

人為之語曰

北府裴諷南府柳蚪

裴公歌 裴俠大統中為河北郡守躬履儉素愛民如子郡舊有漁獵夫三十人以供郡守俠

曰以口腹役人吾所不為也悉罷之又有一丁三十人供郡守役俠亦不私並收庸為市官馬歲時既積馮遂成羣去職之日一無所取民歌之云

肥鮮不食丁庸不取裴公貞惠為世規矩

處女謠 高車部帥倍侯利勇健過人奮戈陷陳有異於眾北方處女歌謠云

求良夫當如倍侯

北齊

高竿謠 東魏武定中有童謠云云高者齊姓也澄文襄名五年神武崩七年文襄為盜所害

此其徵也

百尺高竿摧折水底然燈澄滅

玉壁謠 獲高歡也狗子宇文泰也

獲獲頭團團河中狗子破你苑

長社訛言 王思政之據長社也先是有訛言云云及齊神武攻之過洧水灌城水長魚鱉皆游焉城遂陷

大魚道上行

惠化謠 神武西討竇泰自潼關入為周文帝所殺初泰將發鄴有惠化尼謠云云奉為御史中尉故稱行臺

竇行臺去不回

石婆謠 武明婁太后病內史令呼太后為石婆蓋有俗忌故改名初童謠云云徐之才曰

求伽胡言去已豹祠嫁石婆豈有好事朝冢作媒人令合葬也唯得紫紕靴者紫之為字此下系紕者熟當四月中靴者革傍化也至四月一日而崩

周里歧求伽豹祠嫁石婆斬冢作媒人唯得一量紫紕

靴

九龍謠 武明太后凡孕六男二女皆感夢孕文襄則夢一斷龍孕文宣則夢大龍首尾屬天

地張口動目勢狀驚人孕孝昭則夢蠕龍於地孕武成則夢龍浴於海孕魏二后並夢月入懷孕襄城博陵二王夢鼠入衣下先是有童謠云云及后崩武成緋袍如故未幾登三臺置酒作樂帝女進白袍帝怒投諸臺下帝于昆季次實九蓋其驗云

九龍母死不作孝

訛言 初梁將蘭欽子京見虜文襄以配厨京與其黨謀作亂文襄自投傷足入于牀下賊黨去床遂見殺先是訛言云云

軟脫帽牀底喘

書壁詩

陸法和嘗書其所居屋壁而塗之及剝落有文二首時文宣帝享國十年而崩廢帝嗣立百餘日用替厥位孝昭即位一年而崩婁太后生三天子自孝昭即位至武成傳位後主共五年其言並驗

十年天子為尚可百日天子急如火周年天子迭

一作遞

代坐

一母生三天兩天共五年

并州訛言

初文宣聞訛言云云將徙一郡而郡人張思進言殿下生南宮名上黨乃止

上黨出聖人

東藁謠

東魏末文宣未受禪時有童謠云云藁然兩頭於文為高河邊殺癡為水邊羊指帝名也於是徐之才勸帝受禪

一東藁兩頭然河邊殺癡飛上天

識

徐之才引識云盟津水也羊飲水上名也角柱天大位也

羊飲盟津角柱天

馬子謠

文宣時謠帝以午年生故曰馬子三臺石季龍舊居故曰石室三千六百日十年也

馬子入石室三千六百日

白羊謠

楊愔齊文宣時尚太原公主位至尚書令驃騎大將軍文宣大漸愔與侍中燕子獻

黃門侍郎鄭子默並受遺詔輔政時常山長廣二王位地親逼情等與余朱渾天和謀欲殺奪威權由是深相疎忌並為二王所害先是童謠云云羊為情也角文為用刀道人為廢帝小名太原公主嘗作尼故曰阿廢姑情子獻天和尚帝姑故曰道人姑夫云

白羊頭翬秃殺癩頭生角

羊羊喫野草不喫野草遠我道不遠打爾腦

阿廢姑禍也道人姑夫死也

白鳧謠

初孝昭之誅楊愔也謂武成云事成以汝為皇大弟及踐位使武成在鄴主兵立一百年為皇太子武成不平欲有異謀先是童謠云云時丞相府在城城中即舊中興寺也鳧翁謂雄雞武成小字步落稽也道人濟南王小名後武成用上者言不舉兵孝昭尋崩武帝即位

中興寺內白鳧翁四方側聽聲雍雍道人聞之夜打鐘

盧雉謠

武成時謠言云云陽子術曰四入天之數主上之祚忍不遇此及武成崩年三十

盧十六雉十四犍子拍頭三十二

河南謠

河間王孝琬武成時和士開祖珽疾之初魏世有謠云云珽因說帝曰河南河北河間也金雞鳴孝琬將建金雞而大赦帝頗惑之後竟殺焉

河南種穀河北生白楊樹頭金雞鳴

百升謠

後主時任用祖珽陸令萱等朝政日壞周人欲圖之然畏斛律光之武勇因為謠言聞於齊會光欲去珽等遂以謠言奏帝併續第二首末二句于是誅光周遂滅齊百升者斛也明月光也高山齊姓高也盲老公謂珽珽先因罪失明也饒舌老母謂令萱令萱本婦人也

百升飛上天明月照長安

高山不摧自崩榭木不扶自舉

一作

盲老公背受大斧

饒舌老母不得語

一云高山崩榭樹舉盲老公背上下大斧多事老母不得語

邯鄲郭公歌

後主高緯雅好傀儡謂之郭公時人戲為郭公歌云云及將敗果邯鄲高

九十九末數也滕口鄧林也大兒謂周帝太祖子也高岡後主姓也雉雞類武成小字也後敗於鄧林盡如歌言

邯鄲郭公九十九枝兩漸盡入滕口大兒緣高岡雉子

東南走不信吾言時當看歲在酉

黃花謠

武平末童謠時穆后母子淫辟干預朝政時人患之穆后小字黃花尋逢齊亡欲落

之應也

黃花勢欲落清尊但滿酌

鄴中謠

北齊末鄴中有童謠未幾齊為周所滅周都關中故云西家也

金作掃帚玉作把淨掃殿屋迎西家

藥園謠

周平齊齊幼主胡太后並歸長安初武成殂後有童謠云云調甚悲苦至是應焉

千金

一作錢

買藥

一作果

園中有芙蓉樹破家

一作券

不分明

蓮子隨它去

識

首牛入西谷逆犢上齊丘

狐截尾謠

武平初謠至四月隴東王胡長仁謀遣刺客殺和士開事露反為士開所譖死

狐截尾你欲除我我除你

和士開謠

武平二年童謠小兒唱訖一時拍手云殺却至七月二十五日御史中丞琅邪

王儼執士開送於南臺而斬之又鄴下謠云和士開當入臺于是並驗

和士開七月三十日將你向南臺

七月謠

是歲又有童謠云云至七月士開被誅九月琅邪王遇害十一月出綦連猛為定州刺史趙彥深為西兗州刺史

七月刈禾傷早九月喫餅正好十月洗蕩飯甕十一月

出却趙老

一云七月刈禾太早九月喫餅未好本欲尋山射虎激箭傍中趙老

陽休之語

休之好學愛文藻時人語云云或曰裴讓之亦有此語

能賦詩陽休之

李義深語

義深有當世才用而心曾險峭時人語曰

劔戟森森李義深

裴皇語

裴讓之與弟諷之及皇甫和弟亮並知名于洛下時人語曰

諷勝於讓和不如亮

祖裴語

祖珽字孝徵神情機警辭藻適逸與裴讓之並有令譽為當世所推省中語曰

多奇多能祖孝徵能賦能詩裴讓之

府僚語

王皓為司徒掾在府聽午鼓蹠蹠待去羣僚嘲之曰王七思歸何太疾皓云云嘲者復云云

大鵬始欲舉燕雀何啾唧誰家屋當頭鋪首浪遊逸

陳元康語

文襄入輔居鄴下崔暹崔季舒崔昂與張亮張徽纂並被任用然皆出陳元康下時人為之語曰

三崔二張不如一康

鄭公歌

鄭述祖天保中為交州刺史父道昭亦嘗為此州並有政蹟百姓歌之曰

大鄭公小鄭公相去五十載風教猶尚同

蘇宋語

天保中宋世軌為大理少卿執獄寬平多所全濟大理正蘇瓊字珍之以平幹知名時人以為二絕寺中語曰

決定嫌

一作斷決無

疑蘇珍之視表見裏宋世軌

陸又語

陸又於五經最精熟館中謂之石經人語曰

五經無對有陸又

崔府君歌

崔伯謙除濟北太守乃改鞭用熟皮為之有朝貴過郡境問人太守治政對曰府君恩化因誦民歌云云客曰既稱恩化何由復威曰長吏憚威庶蒙惠

崔府君能治

一作臨

政易鞭鞭

一作退田易鞭

布威德民無爭

唐白語

武成時唐邕自建俱以典執兵馬致位卿相時人為之語曰

并州赫赫唐與白

宋遊道語

宋遊道廣平人為殿中侍御史臺中語曰

見賊

一作惡

能討宋遊道

宋陸語

遊道剛直疾惡如讐見人犯罪必皆致之極法然重交遊存然諾之分與頓丘李獎一面便定死交及獎死二子權訓居貧遊道特周卹之故時人語曰

遊道獼猴面陸操科斗形意識不關見何謂醜者必無

情

陰生語

賈思伯與弟思休師事北海陰鳳受業竟無資酬之鳳遂質其衣服及思伯遷青州刺史之部送遺鳳因具車馬迎之時人為之語曰

陰生讀書不免癡不識雙鳳脫人衣

鳳池語

趙彥深諷朝廷以子叔堅為中書侍郎頗招物議時馮子琮子慈明祖珽子君信並相繼居中書故時人語曰

馮祖及趙穢我鳳池

胡長粲語

長粲性好內有一侍婢其妻妬而殺之大忿恨數年不相見親表為之語曰

自我不見于今三年

北周

白楊謠

周初有童謠云云靜帝隋氏甥也既遜位而崩諸舅強盛

白楊樹頭金雞鳴裁

一作

有阿舅無外甥

蹋蹠歌

宣帝時與宮人夜中連臂蹋蹠而歌云云帝即位一年崩

自知身命促秉燭夜行遊

楊文祐歌

靜帝酣飲過度有下士楊文祐為歌云云帝怒杖殺之

朝亦醉暮亦醉日日恒常醉政事日無次

一作國計無取次

王罷語

沙苑之役齊神武士馬甚盛時王罷鎮華州文帝令加守備罷自為語云云帝聞而

壯之

老罷當道臥狙子安得過

玉漿泉謠

豆盧勣周武帝時為渭州刺史有惠政華夷悅服大致祥瑞鳥鼠山俗呼為高

武隴其山絕壁千尋由來乏水諸羗苦之勣馬足所踐忽飛泉湧出有白鳥翔止廳前乳子而後去民為之謠後因號其泉曰玉漿泉

我有丹陽山出玉漿濟我人夷

一作夷民

神鳥來翔

裴漢語

漢補墨曹參軍善尺牘尤便簿領理識明  
瞻決斷如流相府為之語曰

日下粲爛有裴漢

于公歌

于仲文字次武宣帝時為遷安太守州刺  
史屈突尚宇文護之黨也先坐事下獄無  
敢繩者仲文至郡窮治遂竟其獄蜀中為之語  
曰

明斷無雙有于公不避強禦有次武

冀州語

長樂宗道暉以經術知名好著高翅帽大  
安德太守也洛姬婦人也謂之四大

顯公鐘宋公鼓宗道暉屐李洛姬肚

隋

齊國祕記

初齊有祕記云文襄為是誅陳留王彭  
樂其後武元果以陳留公將兵克并州

天王陳留入并州

枯樹歌

王劭文帝時為著作郎上表言符命曰陳  
留老子祠有枯栢世傳曰老子將度世云  
待枯栢生東南枝迴指當有聖人出吾道復行  
至齊枯栢從下生枝東南上指夜有三童子相  
與歌云云及至尊牧亳州親至祠樹之下自是  
栢枝回抱其枯枝漸指西北道教果行考校眾  
事太平主出於亳州陳留之地皆如所言

老子廟前古枯樹東南枝

一作

如繖聖主從此去

河圖皇泰持

王劭以為大隋符命

皇辟出承元訖道無為治

率被遂矩戲作術開皇色

握神日投輔提象不絕立皇後翼不格道終始德優劣

帝任政河曲出叶輔嬉爛可述

河南楊柳歌

大業九年煬帝將再幸江都有迷樓宮人夜歌云云帝披衣起聽召宮女

問之孰使汝歌也汝自為之邪宮女曰臣有弟在民間曰道途兒童多唱此帝默然久之曰天啓之也因索酒自為歌曰宮木陰濃燕子飛興衰自古漫成悲他日迷樓更好景宮中吐艷變紅輝後帝幸江都唐帝起兵入京焚迷樓火經月不滅

河南楊柳樹河北李桃榮楊花飛去去何處李花結果

自然成

桃李子謠

大業中童謠後李密坐楊玄感之逆為吏所拘在路逃叛潛結羣盜自陽城山而來襲破洛口倉後復屯兵苑內及宇文化及自號許國尋亦破滅

桃李子鴻鵠遶陽山宛轉花林裏莫浪語誰道許

蕭蕭謠

梁主蕭琮自江陵徵入朝拜柱國後有童謠云云揚帝悲之遂廢於家

蕭蕭亦復起

并州謠

漢王諒反為楊素所敗幽死先是童謠云云時偽署官告身皆一紙別授則二紙諒聞謠喜曰我幼字阿客量與諒同音吾於皇家最小以為應之

一張紙兩張紙客量小兒作天子

玉浪歌

佛識

江槎分玉浪管炬開金鎖五口相其行九十無彼我

劉鄭語

文帝初受禪以劉昉鄭譯有定策之功封昉為黃國公譯為沛國公時人語曰

劉昉牽前鄭譯推後

栽柳謠

大業中帝開汴渠兩隄上栽垂柳詔民間有柳一株賞一縑百姓競獻之又令親種帝自種一株羣臣次第種方及百姓時有童謠云云

天子先栽然後百姓栽

送別詩

大業末帝巡遊無度民財窮窘時有送別詩云

楊柳青青著地垂楊花漫漫攪天飛柳條折盡花飛盡  
借問行人歸不歸

挽舟者歌

帝御龍舟夜半聞歌者甚悲遣人求之不得

我兒征遼東餓死青山下今我挽龍舟又困隋隄道方  
今天下饑路糧無些小前去三十程此身安可保寒骨  
枕荒沙幽菟泣烟草悲損門內妻望斷吾家老安得義  
勇兒爛此無主屍引其孤菟回負其白骨歸

樊安定歌

樊叔畧陳留人仕周封清鄉縣公隋受禪進爵安定郡公相州刺史政為當時

第一百百姓為之語曰

智無窮清鄉公上下正樊安定

崔李語

武城崔儵與頓丘李若俱見稱重時人為之語曰

京師灼灼崔儵李若

二盧語

盧昌衡小字龍子風神澹雅容止可法博涉經史工草行書從弟思道小字釋奴宗中俱稱英妙幽州為之語曰

盧家千里釋奴龍子

呂思禮語

思禮東平壽張人年十四受學於徐遵明長於論難諸生為之語曰

講書論易鋒難敵

李侯歌

李直之為凱州刺史有惠政童穉為之歌曰

李侯切莫去此地可無憂

蘇夔語 蘇夔邳公威之子也起家太子通事舍人楊素見而奇之因為語曰

楊素無兒蘇夔無父

長白山歌 來整榮國公護兒之子也尤驍勇善撫御討擊羣賊所向皆捷諸賊歌之曰

長白山頭百戰場十五五把長鎗不畏官軍十一作千

萬眾只怕一作榮公第六郎

杞州謠 文帝時侍御史柳或上表論上柱國和于子前在趙州闇於職務政由羣小賄賂公

行百姓吁嗟歌謠滿道乃云

老禾不早殺餘種穢良田

二柳語 初柳機在周與族人昂並歷顯要至開皇中俱出為外職納言楊素戲朝之曰

二柳俱摧孤楊獨聳

柳調語 柳調為侍御史左僕射楊素嘗於朝堂戲朝之曰

柳條通體弱獨搖不須風

長安謠 崔弘度仁壽中為太府卿性嚴酷官屬百工莫敢欺隱時有屈突蓋為武侯車騎亦

苛刻長安為之語曰

寧飲三斗醋一作不見崔弘度寧灸一作三斗一作艾

不逢屈突蓋

貝州語 庫狄士文授貝州刺史法令嚴肅吏人股戰有京兆韋焜為貝州司馬河東趙達為

清河令並苛刻唯長史有惠政時人為之語云文帝聞而歎曰士文之暴過於猛獸竟坐死

刺史羅剎政司馬蝮虵瞋長史含笑判清河生噉人

雜辭

越謠

越俗性率朴初與人交有禮封土壇祭以犬雞祝曰

君乘車我帶笠他日相逢下車揖君擔簦我跨馬他日

相逢為君下

一云卿雖乘車我戴笠後日相逢下車揖我步行卿乘馬後日相逢君當下

古語

趙王好大眉民間濶半額楚王好廣領國人衣沒頸齊

王好細腰後宮有餓死

城中謠

漢世祖馬后履行節儉事從簡約馬廖慮以美業難終上疏長樂宮以勸成德政長安語云云斯言如戲有切事實

城中好高髻四方高一尺城中好廣眉四方且半額城

中好大袖四方全匹帛

漢世諺

雖有神藥不如少年雖有珠玉不如金錢

洛陽語

洛陽有銅馳街漢鑄銅馳二枚在宮南西會道相對俗語曰

金馬門外集眾賢銅馳陌上集少年

洛諺

洛鯉伊魴貴於牛羊

一云伊洛魴鱧天下最美又云洛口黃魚天下不如

魏郡語

魏郡鄴都所在浮巧成俗雕刻之工特云精妙士女被服咸以奢麗相高語曰

魏郡清河天公無奈何

清泉諺

魏地清泉河上承桑乾河東流與潞河合濕水入漁陽俗諺云

高粱無上源清泉無下尾

雞山詩

朱文繡與羅子鍾俱仕於梁文繡死子鍾哭之其夜亦死梁南有雞山北有雉澗二人葬焉其神靈變為雞雉清鳴哀響往來不絕故古詩云

雞山別飛響雉澗和清音

齊諺

太山自言高不如東海勞

青州謠

齊俗淺薄太守初至皆懷輒叩首及代還即以輒擊之向背速於反掌故京師謠曰

獄中無繫囚舍內無青州假令家道

腹中不懷愁

冀州諺

冀州俗重氣俠好結朋黨椎剽樞冢自古患之諺曰

仕宦不偶遇冀部



卅811.12  
2342